

SINDIKAT SREDNJEG I VIOSKOG OBRAZOVANJA, ODGOJA, NAUKE KULTURE BIH

P R A V I L N I K

**O USLOVIMA, NAČINU I POSTUPKU ODLUČIVANJA U VEZI
ODOBRAVANJA JEDNOKRATNE NOVČANE POMOĆI ČLANOVIMA
SINDIKATA SREDNJEG I VIOSKOG OBRAZOVANJA, ODGOJA, NAUKE I
KULTURE BIH**

Sarajevo, 18. decembar 2019. godin

Na osnovu člana 25. Statuta Sindikata srednjeg i visokog obrazovanja, odgoja, nauke i kulture BiH (u daljem tekstu: Statut), Skupština Sindikata srednjeg i visokog obrazovanja, odgoja, nauke i kulture BiH na sjednici održanoj dana 18. decembra 2019. godine d o n o s i

PRAVILNIK

o uslovima, načinu i postupku odlučivanja u vezi odobravanja jednokratne novčane pomoći članovima Sindikata srednjeg i visokog obrazovanja, odgoja, nauke i kulture BiH

Član 1.

Ovim Pravilnikom uređuju se uslovi, način i postupak odlučivanja u vezi odobravanja jednokratne novčane pomoći članovima Sindikata srednjeg i visokog obrazovanja, odgoja, nauke i kulture BiH (u daljem tekstu: Sindikat).

Član 2.

Sredstva za jednokratnu novčanu pomoć osiguravaju se iz sredstava sindikalne članarine, dobrovoljnih priloga i drugih izvora u skladu sa Pravilnikom o finansiranju i korištenju sredstava u Sindikatu srednjeg i visokog obrazovanja, odgoja, nauke i kulture Bosne i Hercegovine.

Član 3.

Član Sindikata pravo na jednokratnu novčanu pomoć može ostvariti najranije protekom 6 mjeseci od učlanjenja u Sindikat, osim u slučaju isključenja.

Član 4.

(1) Jednokratnu novčanu pomoć član Sindikata, može ostvariti:

- u slučaju teške bolesti ili invalidnosti
- za slučaj neprekidnog bolovanja dužeg od 42 dana,
- za slučaj nabave medicinskih pomagala (osim naočala i zubnih proteza)
- za slučaj elementarne nepogode ili događaja koji je člana Sindikata doveo u težak materijalni položaj,
- i u drugim slučajevima koji se ocijene opravdanim, a koji nisu obuhvaćeni ovim Pravilnikom.

(2) Jednokratnu novčanu pomoć u slučaju smrti člana sindikata mogu ostvariti članovi uže porodice.

(3) Pod teškim bolestima iz stava (1) podrazumijevaju se bolesti navedene u posebnom aktu koji donosi Kanton.

(4) Pod teškim invalidnostima iz stava (1) podrazumijevaju se invalidnosti utvrđenog stepena od najmanje 60%.

Član 5.

(1) Zahtjev sindikalnoj organizaciji za odobravanje jednokratne novčane pomoći podnosi član lično u pisanom obliku, a izuzetno ukoliko član nije u mogućnosti, zahtjev podnosi član uže porodice ili predsjednik sindikalne organizacije kojoj član pripada.

(2) Uz pisani zahtjev potrebno je priložiti prateću dokumentaciju kojom se isti opravdava (medicinska i druga dokumentacija, smrtni list i sl.)

(2) Nakon što sindikalna organizacija odobri pomoć i procjeni da ona nije dovoljna predsjednik sindikalne organizacije može podnijeti zahtjev za dodjelu jednokratne novčane pomoći Kantonalnom odboru Sindikata. Uz pisani zahtjev potrebno je priložiti očitovanje predsjednika sindikalne organizacije i dokaze o ispunjavanju uslova i opravdanosti zahtjeva.

(3) Nakon što Kantonalni odbor u skladu sa mogućnostima odobri jednokratnu novčanu pomoć i ocijeni da ona nije dovoljna predsjednik Kantalnog odbora upućuje zahtjev za dodjelu novčane pomoći Upravnom odboru Sindikata. Uz pisani zahtjev potrebno je priložiti očitovanje predsjednika Kantalnog odbora i dokaze o ispunjavanju uslova i opravdanosti zahtjeva

(4) Predsjednici sindikalne i kantonalne organizacije, dužni su u svojim očitovanjima navesti da li je sindikalna organizacija/kantonalna organizacija odlučivala o istom zahtjevu, da li je odobrila pomoć, u kojoj visini, te ukoliko nije, navesti razloge za to.

Član 6.

(1) Zahtjev za jednokratnu novčanu pomoć dostavlja se Upravnom odboru Sindikata najkasnije tri mjeseca od dana nastanka okolnosti na osnovu koje se pravo traži.

(2) Podaci, dokazi i druga pismena koja članovi Sindikata radi ostvarivanja prava utvrđenih ovim Pravilnikom dostave Upravnom odboru su tajni, te ih članovi Upravnog odbora mogu saopštiti jedino Nadzornom odboru u postupku provođenja finansijskog nadzora, te eventualno državnim tijelima u postupcima u skladu sa pozitivnim propisima.

Član 7.

(1) Ukupna godišnja sredstva za jednokratnu novčanu pomoć članovima Sindikata određuju se finansijskim planom svakog nivoa sindikalnog organizovanja Sindikata.

(2) Ako su u potpunosti potrošena sredstva iz stava 1. ovog člana utvrditi će se lista čekanja na isplatu prema redoslijedu zaprimanja zahtjeva.

Član 8.

Visina jednokratne novčane pomoći sindikalne organizacije, kantonalni odbori i Upravni odbor utvrđuju posebnom odlukom.

Član 9.

Jednokratna novčana pomoć članu Sindikata može se dodijeliti jednom godišnje za jednu od alineja iz člana 4.

Član 10.

U slučaju smrti člana Sindikata novčana pomoć isplaćuje se supružniku ili drugom članu porodice koji snosi troškove ukopa.

Član 11.

O dodjeljenim jednokratnih novčanih pomoći vodi se posebna evidencija.

Član 12.

Kantonalni odbori i Upravni odbor na osnovu posebnih odluka mogu dodijeliti jednokratnu novčanu pomoć i mimo procedura utvrđenih ovim pravilnikom.

Član 13.

(1) Jednokratna novčana pomoć članu sindikata za potrebe liječenja uplaćuje se na poseban transakcijski račun otvoren za prikupljanje sredstava za liječenje direktno sa transakcijskih računa sindikalnih organizacija, kantonalnih organizacija i glavnog računa Sindikata bez uplata propisanih poreza.


(2) Ukoliko nije otvoren poseban transakcijski račun za dodjelu pomoći, jednokratna novčana pomoć isplaćuje se isključivo sa glavnog računa Sindikata uz uplatu pripadajućih poreza na transakcijski račun korisnika pomoći u skladu sa važećim Zakonom o porezu na dohodak.

(3) Potupak podnošenja zahtjeva i refundacija sredstva iz stava 2 ovog člana biće propisan posebnim aktom koji donosi Upravni odbor.

Član 14.

Ovaj Pravilnik stupa na snagu danom donošenja, a primjenjuje se osmog dana od dana donošenja.

Predsjednik Skupštine SSVOONK BiH



Admir Šuvalić

Broj: 05-2-667-33/19

Sarajevo, 18. decembar 2019. godine